

Na osnovu člana 263. stav 3. Zakona o privrednim društvima („Službene novine Federacije BiH“, broj: 81/15), člana 8. Zakona o ministarskim, vladinim i drugim imenovanjima u Federaciji BiH ("Službene novine FBiH", broj: 34/03), člana 136. Statuta Rudnika soli "TUZLA" d.d. Tuzla, broj: 02-01/16-2958 od 29.08.2016. godine, i člana 6. Statuta o izmjenama i dopunama Statuta Rudnika soli „TUZLA“ d.d. Tuzla, broj: 02-01/20-745, od 18.02.2020.godine, Nadzorni odbor u skladu sa Odlukom o raspisivanju oglasa za Javni konkurs za izbor i imenovanje Uprave Rudnika soli "TUZLA" d.d. Tuzla, broj: 01-03/21-4893 donesena na 3.(trećoj) vanrednoj sjednici Nadzornog odbora od 29.09.2021.godine, ovim putem raspisuje:

OGLAS
ZA JAVNI KONKURS
za izbor i imenovanje izvršnih direktora Rudnika soli "TUZLA" d.d. Tuzla

I

Oglašava se Javni konkurs za izbor i imenovanje Izvršnih direktora DIONIČKOG DRUŠTVA RUDNIK SOLI „TUZLA“ TUZLA, skraćeni naziv: Rudnik soli „TUZLA“ d.d. Tuzla (u daljem tekstu: Društvo), sa sjedištem u Ulici Tušanj, broj: 66, 75 000 TUZLA, i to za slijedeće pozicije:

1. Izvršni Direktor za tehničke poslove
2. Izvršni Direktor za razvoj i istraživanja
3. Izvršni Direktor za pravne poslove
4. Izvršni Direktor za ekonomsko, finansijske i komercijalne poslove

Mandat izvršnih direktora traje četiri godine, bez ograničenja mogućnosti ponovnog imenovanja, a ovlaštenja, odgovornosti i prava izvršnih direktora uređuju se ugovorom koji s njima zaključuje Direktor na osnovu prethodne saglasnosti Nadzornog odbora i to u ime i za račun Društva.

Izvršni direktor imenuje se za period tekućeg mandata direktora, bez obzira na vrijeme njegovog imenovanja, a njegov mandat može prestati prije isteka perioda za koji je imenovan, razrješenjem, odnosno odlukom nadzornog odbora društva, podnošenjem ostavke ili sporazumno. Ovlaštenja, odgovornosti i prava izvršnog direktora uređuju se ugovorom koji, uz prethodnu saglasnost Nadzornog odbora, sa izvršnim direktorom zaključuje Direktor u ime i za račun društva.

Mjesto rada Izvršnih Direktora je mjesto sjedišta Društva upisano u sudski registar.

KRATAK OPIS POSLOVA

Izvršni direktor organizuje rad, zastupa i predstavlja društvo i odgovara za zakonitost poslovanja u poslovima i obimu utvrđenom Zakonom, Statutom Društva kao i pisanim aktom Direktora.

I

Lice koji se kandiduje za Izvršnog Direktora Društva, mora ispunjavati slijedeće uslove:

A. OPĆI

1. Da je stariji od 18 godina
2. Da je državljanin Bosne i Hercegovine
3. Da je zdravstveno sposoban za obavljanje poslova na koje se kandiduje

4. Da nije otpušten iz državne službe kao rezultat disciplinske mjere na bilo kom nivou u Bosni i Hercegovini (bilo na nivou države ili entiteta), u periodu od tri godine prije dana objavljivanja upražnjenje pozicije
5. Da se na njega ne odnosi član IX. 1. Ustava Bosne i Hercegovine, odnosno ne nalazi na izdržavanju kazne izrečene presudom Međunarodnog tribunala za bivšu Jugoslaviju, niti je pod optužnicom Tribunala, odnosno da nije osoba koja se nije povinovala naredbi da se pojavi pred Tribunalom
6. Da se protiv istog ne vodi prekršajni, niti krivični postupak
7. Da nije osuđivan za prekršaj nespojiv za dužnošću direktora, pet godina od dana pravomoćnosti presude, odnosno da istom nije izrečena zaštitna mjera obavljanja dužnosti.
8. Da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima FBiH
9. Da ne obavlja dužnost ili da nije na položaju koji dovodi do sukoba interesa shodno Zakonu o sukobu interesa u institucijama vlasti BiH
10. Da u društvu nije predsjednik ili član nadzornog odbora ili odbora za reviziju
11. Da se ne radi o licu kojem je pravosnažnom presudom suda zabranjeno obavljanje aktivnosti koje su u nadležnosti uprave ili je osuđivano za krivično djelo ili privredni prijestup za radnje nespojive sa dužnošću u upravi, pet godina od dana pravosnažnosti presude, ne računajući vrijeme zatvorske kazne
12. Da se ne radi o licu koje bi moglo biti u konkurentskom odnosu sa društvom u smislu odredaba Statuta Rudnika soli „TUZLA“ d.d. Tuzla, broj: 02-01/16-2958 od 29.08.2016. godine
13. Da ne postoje druge zakonske smetnje za obavljanje poslova za koje kandidat konkuriše

B. POSEBNI

1. Izvršni direktor za tehničke poslove:
 - VII stepen stručne spreme, odnosno diploma visokog obrazovanja najmanje drugog ciklusa Bolonjskog sistema obrazovanja, rudarske struke.
 - najmanje pet (5) godina profesionalnog radnog iskustva, od čega najmanje tri (3) godine radnog iskustva na rukovodećoj poziciji i položen stručni ispit shodno odredbama Zakona o rudarstvu FBiH.
2. Izvršni direktor za pravne poslove:
 - a) VII stepen stručne spreme, odnosno diplomu visokog obrazovanja najmanje drugog ciklusa Bolonjskog sistema obrazovanja, pravne struke.
 - b) najmanje pet (5) godina profesionalnog radnog iskustva.
3. Izvršni direktor za ekonomsko -finansijske i komercijalne poslove:
 - a) VII stepen stručne spreme, odnosno diplomu visokog obrazovanja najmanje drugog ciklusa Bolonjskog sistema obrazovanja, ekonomske struke
 - b) najmanje pet (5) godina profesionalnog radnog iskustva
4. Izvršni direktor za razvoj i istraživanja:
 - a) VII stepen stručne spreme, odnosno diplomu visokog obrazovanja najmanje drugog ciklusa Bolonjskog sistema obrazovanja, rudarske ili geološke struke.
 - b) najmanje pet (5) godina profesionalnog radnog iskustva

II

Uz prijavu na Konkurs potrebno je dostaviti slijedeću dokumentaciju (original ili ovjerene kopije):

- Biografija, adresa i kontakt telefon,
- Izvod iz matične knjige rođenih
- Uvjerenje o državljanstvu (originalno uvjerenje ne starije od tri (3) mjeseca, ili ovjerena kopija istog),
- Ovjerena izjava za uslove iz tačke A, podtačka 4.,5.,8.,9.,10., i 12.
- Uvjerenje nadležnog organa za uslov iz tačke A podtačka 6. (ne starije od 3 (tri) mjeseca)
- Uvjerenje nadležnog suda za uslove iz tačke A, podtačka 7.
- Uvjerenje nadležnog suda za uslove iz tačke A, podtačka 11.
- Dokaz o završenoj školskoj spremi – diploma o visokoj stručnoj spremi, odnosno diploma visokog obrazovanja najmanje drugog ciklusa Bolonjskog sistema obrazovanja
- Dokaz o ukupnom profesionalnom radnom iskustvu, sa tačno navedenim vremenskim periodom i pozicijom koju je kandidat obavljao
- Certifikat o završenom stručnom usavršavanju za predsjednike i članove nadzornih odbora i uprava privrednih društava sa učešćem državnog kapitala.

Uvjerenje o zdravstvenoj sposobnosti kandidat je dužan dostaviti nakon konačnog imenovanja na dužnost izvršnog direktora Rudnika soli "TUZLA" d.d. Tuzla.

Svaki kandidat za izvršnog direktora dužan je prije imenovanja dati pisanu izjavu prihvatanju kandidature, isključenju konkurencije, u smislu odredaba Statuta Rudnika soli „TUZLA“ d.d. Tuzla broj: 02-01/16-2958 od 29.08.2016. godine i o vrijedonosnim papirima društva koje posjeduje.

III

U izbornom postupku, Nadzorni odbor ocjenjuje stručnu sposobnost kandidata te utvrđuje listu kandidata predviđenih za imenovanje na mandat od 4 (četiri) godine.

IV

Sve informacije u toku postupka kandidovanja su transparentne, osim ako informacije podnosioca prijave nisu povjerljive u smislu Zakona o zaštiti ličnih podataka («Službeni glasnik BiH» broj:49/06, 76/11 i 89/11).

Kontakt osoba: Anel Dadanović, dipl.pravnik.

V

Rok za podnošenje prijava za pozicije za koje je konkurs raspisan je 15 dana od dana objave Javnog konkursa.

VI

Prijave sa traženom dokumentacijom potrebno je dostaviti lično ili preporučenom poštom na adresu:

Rudnik soli "TUZLA" d.d. Tuzla
Ulica Tušanj, broj: 66, 75000 Tuzla
Na koverti naznačiti „Prijava na Oglas za javni konkurs za izbor i imenovanje izvršnih direktora“ – «ne otvarati»

Neblagovremene, nedopuštene, nepotpune i nerazumljive prijave, bit će odbačene zaključkom, protiv kojeg nije dopuštena posebna žalba.

**Predsjednik Nadzornog odbora
Dr.sc. Sabid Zekan,dipl.ing.rud.**